



1. Saya ucapkan terima kasih kepada YAB Datuk Ketua dan Ahli-Ahli Jawatankuasa UMNO Bahagian Kawasan Morib, kerana menjemput dan memberi penghormatan kepada saya untuk merasmikan Mesyuarat Perwakilan Bahagian ini. Saya juga ingin mengambil kesempatan ini mengucapkan terima kasih kepada semua ahli-ahli UMNO bahagian ini, di atas sokongan dan kepercayaan mereka memilih saya sebagai Naib Presiden parti kita. Saya sedar betapa beratnya tanggung-jawab yang telah tuan <sup>dan puan</sup> berikan kepada saya terhadap parti dan negara kita. Saya berdoa semoga saya layak menerima kepercayaan dan tanggungjawab itu.

...2/

2. UMNO telah dilahirkan dalam suasana yang penuh derita dan kesengsaraan. Ianya dicipta dan dilahirkan semata-mata kerana kedudukan dan keselamatan orang-orang Melayu<sup>telah</sup> terancam di negara ini. Tidak ada saat dan ketika lain yang lebih membanggakan seseorang itu, selain daripada masa ianya memperjuangkan keselamatan bangsa. Beribu-ribu orang Melayu telah menyahut seruan itu. UMNO pada hari ini telah menjadi satu parti politik yang bersatu-padu, tegoh dan mempunyai pemimpin-pemimpin yang berkebolehan dan bijaksana. Ini semua, adalah hasil pengorbanan, dedikasi, taatsetia dan usaha-usaha yang jujur daripada beribu-ribu orang yang telah saya sebutkan tadi.

3. Kekuatan asas UMNO terletak di atas perhubungan yang harmoni di antara tiga gulungan ----- gulungan tua, gulungan wanita dan gulungan muda. Tidak ada satu gulungan pun yang boleh cuba memaksa gulungan-gulungan lain. Jika perkara ini berlaku, ia akan menimbulkan bencana dan perpecahan serta keruntuhan parti. Pengasas-pengasas Perlembagaan parti kita, telah memikirkan kemungkinan ini terlebih dahulu, dan itulah sebabnya diadakan peruntukan dalam Perlembagaan supaya kegiatan-kegiatan parti dilaksanakan di bawah kuasa dan arahan Perhimpunan Agung.

4. Semenjak negara kita mencapai kemerdekaan, UMNO sebagai salah sebuah daripada tiga parti dalam Perikatan, telah menjadi Parti Pemerintah. Satu daripada matlamat yang masih belum dicapai lagi ialah, mewujudkan sebuah negara Malaysia yang dinamis dan bersatupadu. Kedua-dua rakan kita dalam Perikatan mempunyai matlamat yang sama. Walau bagaimanapun, tidaklah memadai perkara ini disebut-sebut sahaja tetapi hendaklah dikotakan. MCA dan MIC juga telah berusaha sedaya-upaya untuk mencapai matlamat ini, meskipun mereka menghadapi berbagai-bagai kesulitan.

5. Masih banyak lagi masalah-masalah yang dihadapi oleh orang-orang Melayu. Keadaan tidak seimbang, terutamanya dalam lapangan ekonomi dan pelajaran, masih memerlukan pemulihan. Saya yakin, dengan adanya kesedaran orang-orang Melayu di atas kelemahan mereka, dan dengan ber-tambahnya jenerasi <sup>dan pemukiman</sup> baru di kalangan orang-orang Melayu, Insya'Allah, kesulitan-kesulitan ini akan dapat diatasi.

(5a)

Dalam bidang pelajaran, kita masih lagi  
menghadapi banyak kesukitan<sup>2</sup>. Amanya,  
kurang sangat anak<sup>2</sup> kita mampunyai  
sains dan technology; mutu pengatahuan belum  
lagi memuaskan; sikap ibuyapa ~~terhadap~~ <sup>dan</sup>  
~~pelajaran~~ <sup>anak<sup>2</sup>nya</sup> sangat mengorbankan  
terhadap pelajaran anak<sup>2</sup>nya, masih belum  
banyak berubah; begitulah juga sikapnya  
terhadap kesukitan anak<sup>2</sup>nya.

<sup>peperiksaan</sup>  
Keputusan SP17 tahun 1972 amatlah tidak  
memuaskan, begitulah juga keputusan HSC.  
Saya memauihkan berat atas perkara ini.  
Kementerian saya sudah <sup>siap</sup> membuat analisis  
berkaitan dengan keputusan <sup>peperiksaan</sup> ~~tersebut~~



6. Dalam Pertubuhan UMNO ada terdapat tenaga yang dinamis, dan dengan pimpinan yang baik dan bijak, ianya dapat memberikan keuntongan kepada parti dan negara.

Marilah kita bersama-sama berbakti dan berkhidmat dalam membangunkan nusa dan bangsa.

Marilah kita baharui azam kita untuk kebahgiaan dan masa depan negara kita.

Marilah kita, dari semua bangsa, sama-sama mara ke hadapan dan menegakkan satu masyarakat yang adil dan negara yang aman, makmur dan bersatu-padu.

Saya percaya mesyuarat perwalian

hari ini dapat berpandukan kepada dos

dan harapan kita tadi, dan dengan ini

saya dengan sukacitanya meresmikan

mesyuarat ini.



No Siri	544
No. Penerimaan	189 / 80